

**PERSEKUTUAN KRISTIAN MALAYSIA
CHRISTIAN FEDERATION OF MALAYSIA**

Alamat : 26 Jalan Universiti, 46200 Petaling Jaya, Selangor Darul Ehsan, Malaysia

Telefon / Faks : + 60 3 7957 1457

Email: cfmsia@yahoo.co.uk

28hb Ogos 2015

**KENYATAAN MEDIA
HARI MERDEKA & HARI MALAYSIA 2015**

DOA UNTUK KEBENARAN DAN KEADILAN

Semakin kita menghampiri Hari Merdeka dan Hari Malaysia pada tahun ini, negara kita mendapati dirinya berada di tengah-tengah pergolakan politik yang tidak pernah diperlihatkan sebelum ini. Perdana Menteri kita yang dilanda masalah berusaha untuk mengukuhkan kuasa pegangan beliau dalam menghadapi tuduhan serius rasuah dan penyalahgunaan kewangan. Menteri-menteri dan pegawai-pegawai kanan kerajaan dipecat atau dialihkan. Agensi penguatkuasaan bertentangan dengan satu sama lain. Pendedahan, khabar angin dan cerita-cerita baharu pada setiap hari mencabar kepercayaan dan integriti. Negara kita dalam keadaan krisis. Kita diingatkan oleh ayat-ayat Al-Kitab Yesaya 59:14: “Hukum yang adil telah disingkirkan dan keadilan dijauhkan. Kejujuran dipandang rendah di tempat-tempat umum, dan ketulusan diketepikan.”

Pada masa sebegini, kita mestilah bertekad untuk mencari penenangan daripada firman Kitab Suci. Sebagai penganut Kristian, Tuhan Yesus Kristus memanggil kita untuk melayani orang yang sesat dan golongan berstatus rendah, dan menghantar kita ke dalam dunia seumpama domba ke tengah-tengah serigala. Dengan mengetahui bahawa cabaran-cabaran atas penindasan terhadap golongan sosial yang lemah, terpinggir dalam sektor ekonomi serta tidak matang dari segi kerohanian, Dia mengingatkan kita untuk berwaspada seperti ular dan bertulus hati seperti burung merpati (Matius 10:16).

Rasul Paulus dalam suratnya kepada jemaah di Efesus, berkata: “Barulah kita tidak menjadi anak-anak lagi, yang diumbang-ambingkan dan ditiup ke sana sini oleh angin ajaran orang licik. Mereka menyesatkan orang dengan tipu muslihat.” Sebaliknya, Dia memanggil kita untuk mengatakan perkara-perkara benar dengan hati yang penuh kasih. (Efesus 4:14-15)

Maka pada ulang tahun kemerdekaan dan kenegaraan kita, marilah kita bertekad teguh untuk mematuhi kebenaran abadi Tuhan, dan berkongsi kasih Allah yang tidak berkesudahan. Marilah kita menampilkan dengan berani untuk bercakap benar kepada negara dan masyarakat kita dalam penuh kasih - “Kami tidak dapat


melakukan hal-hal yang bertentangan dengan yang benar, kami hanya dapat melakukan yang benar.” (2 Korintus 13:8)

Selamat Hari Merdeka dan Hari Malaysia. Allah selamatkan Malaysia!

Yang benar,



Reverend Dr. Eu Hong Seng
Pengerusi



Bishop Sebastian Francis
Naib Pengerusi



Archbishop Datuk Bolly Lapok
Naib Pengerusi



Reverend Datuk Jerry Dusing
Naib Pengerusi